

NET GREEN d.o.o.

Trgovina na veliko cvijećem i sadnicama
Branilaca bosne bb (Luciana IV),
75300 Lukavac, Bosna i Hercegovina

kupisadnice.ba, magicnaograda.ba
prodaja@kupisadnice.ba
administracija@kupisadnice.ba

Online i tel. prodaja:

+387 (0) 61 737 777
+387 (0) 61 133 373
+387 (0) 61 133 433

ULMUS KLUB d.o.o.

Trgovina na veliko cvijećem i sadnicama
Palinovečka 43,
10 000 Zagreb, Republika Hrvatska

www.kupisadnice.hr,
www.carobnazivaograda.hr
prodaja@kupisadnice.hr
administracija@kupisadnice.hr

Online i tel. prodaja:

+385 (0) 91 310 1111
+385 (0) 92 190 3583
+385 (0) 91 300 1530

NET GREEN III d.o.o.

Trgovina na veliko cvećem i sadnicama
Alekse Šantića 57/1,
Novi Sad 21000, Srbija

kupisadnice.rs, magicnaograda.rs
prodaja@kupisadnice.rs
administracija@kupisadnice.rs

Online i tel. prodaja:

+381 (0) 66 517 8233
+381 (0) 66 517 3737



**SUPER
GARDEN**




Elixir Kompleksna gnojiva
specijalne formulacije

Haifa



Upute za sadnju i manipulaciju sadnicama


Nakon što ste dobili sadnice, sadnice je potrebno u cjelosti otpakirati. Ako ste sadnju planirali u narednih 24 sata, korijen sadnica je potrebno umočiti u rastvor preparata biostimulatora Aleox agro i eventualno organskog gnojiva Natura ili nekog drugog gnojiva, po uputama kako slijedi: Aleox agro 0,003% , Natura 0,10%, tj. 3ml + 100ml + 10l vode. Rastvor dobro promiješati, te nakon miješanja umočiti korijen sadnica do cijepa do 24 sata prije sadnje. Na ovaj način će korijen usvojiti dovoljno hranjiva kako bi lakše pretrpio zimske šokove i sa određenom zalihom hranjiva i energije na proljeće brže krenuo da lista. Pored hranjiva, Aleox agro djeluje kao snažno dezinfekcijsko ali i zaštitno sredstvo. Nakon sadnje, rastvor iskoristite za zalijevanje sadnica. U slučaju da će sadnja biti odložena na više od dva dana od primitka sadnica, obavezno skinuti pvc vrećice sa korijena. Sadnice skladištiti u kanal (trap) pazeći pri tome da ispod korijena ne ostane prazan prostor tj.zrak, zatim zagrnuti korijen sa minimalno 30 cm vlažne, usitnjene zemlje kako bi bili sigurni da mraz neće oštetiti korijen, ili da u slučaju naglog povećanja temperature nema zraka oko korijena. Tako zatrpane sadnice mogu stajati i do naredne sezone. Kada odlučite saditi, 24 sata ranije izvadite sadnice i uradite prema već navedenom postupku.



Sadnja oraha

Orah bi trebao da se sadi u već ranije pripremljene rupe, i to po mogućnosti 1x1x1 m (1m³). Najbolje bi bilo da su rupe iskopane barem mjesec dana ranije kako bi bilo dovoljno vremena da se iz tla oslobode podzemni plinovi, da se tlo prozračí, a također i prvi jesenji mrazovi bi odgovarali otvorenoj rupi. Dno jame za sadnju od dubine 100 do 60 cm obogatiti sa dva nivoa stajskog gnojiva, i sa eventualno nekim mineralnim dušičnim gnojivom, što će služiti korijenu oraha od 2. – 4. godine kada je potrebno najviše hrane kako bi se postigla bujnost nadzemnog dijela.

Preostalih 40 cm jame namijenjenih za sadnju oraha zatrpavamo na dan sadnje, tako što stajsko đubrivo miješamo sa preostalim dijelom zemlje uz mogućnost dodavanja zeolita i sabijemo zemlju oko korijena. Prije sadnje obavezno kratimo korijen sadnica u svrhu oblikovanja i poticaja rasta nadzemnog dijela. Prikraćivanje se radi 5–10cm maksimalno, ovisno od forme. Prilikom zatrpavanja sadnice, voditi računa da cijep bude minimalno 5 cm iznad nivoa tla, i po mogućnosti okrenut prema jugu. Nakon sadnje svaku jamu zaliti sa po 50 l vode kako bi se tlo oko korijena homogeniziralo, istisnuo vazduh te eliminirala mogućnost da u vrijeme kretanja vegetacije sadnica umjesto hranjiva usvoji vazduh, što bi značilo stvaranje vazdušne embolije, te nakon toga odumiranje dijela sadnice ili uginuća cijele sadnice.



Razmak sadnje i rezidba


Gnojdba oraha nakon sadnje

Nakon sadnje u jesenjoj sezoni prstenujemo orah sa jednom dozom mineralnog đubriva (100 – 200 gr), bogatog fosforom i kalijem, a ako je u pitanju proljetna sadnja to ćemo učiniti NPK gnojivom sa većim udjelom dušika, i fosfora. Preporuka formulacija za prstenovanje sadnica u jesenjoj sadnji:

- Gnojivo Cererit-jesen kalij (30) + 10% MgO + 42% SO₃,
- Super garden voće 6:18:24 + ME,
- Cererit 8 – 13 -11,
- Haifa multicote 15-7-15 + MKO 9m

Preporuka formulacije za proljetno prstenovanje :

- Univerzalno Agro NPK gnojivo sa zeolitom 11-7-7,
- Super garden voće 6:18:24 + ME,
- Cererit 8 – 13 -11,
- Haifa multicote 15-7-15 + MKO 9m



Rezidba oraha nakon sadnje

Promjer prstena trebao bi biti minimalno 50 – 60 cm.

Posljednja operacija prije kretanja vegetacije, a nakon svega navedenog je rezidba sadnica. Ako želimo pripremiti orah za bujan rast i bogato plodonošenje, obavezna mjera je tzv. čepiranje ili prikraćivanje sadnica i to maksimalno 20 cm iznad cijepa. Naša preporuka je da dvogodišnje sadnice treba skraćivati odmah na jesen, a jednogodišnje u rano proljeće. Nakon prikraćivanja izvršiti tretiranje (prskanje) svakog reza rastvorom Aleox agro (3ml/10l vode) i premazivanje kalemarskim voskom. Vodite računa o poštivanju higijenskih mjera prilikom rezidbe. Ovakvo pripremljene sadnice su pretpostavka za brži i dinamičniji razvoj stabla.